



FASNACHT 1925. Schnitzelbank.

Zuekunfts-Beppi.

Melodie: Studio auf einer Reis.

1. Vorem Bluemegschäft vom **Kaimli**,
Dert het's Abfäll gä unheimli!
D'Schugger haue fescht druf los,
Gli isch leer gsi **d'Falknerstross**.
Hinterhältig, wit vom Gschitz
Dirigiert der **Wieser Fritz**,
Grad wie alli sälli Schufte
Wo, wenn's Ernst gilt, schnell verdufte!
2. Der **Kanalisationsaschluss**
Z'Kleihinige, im Hafe duss
Isch vergässe worde ganz!
G'merkt het's aber au kai Schwanz!
Und die Büroschangi d'unde
Die gehnd ahnungslos go pf
Bis d'Schissle überloffe sind,
Si fascht im Dreck versoffe sind.
3. Dir vom Deifel ab-em Fäll
Abegschabte **Schnydergsell**,
Mues-me jetze doch emole
D'Lugischnurre recht versohle!
Mit-em **Bircher** kunnsch an Lätze!
Sälle haut Di jo in Fätze!
Und der Polizeieinspäcker
Haut vilicht no viel verreckter!
4. Lueget die zwei Lappi a,
Gschwällterli und **Appia!**
Wagner-Opere-Reformische!
Dreitritt, Vorhäng, alti Kische!
Fir eier Nibelungering
Do ghert-yeh aini „umme Gring“!
Nämnet doch fir eiere Schund
Dr Aenishänsli no in Bund!
5. **Kunstkredit!** die neischte Schlager
Isch scho wieder e Versager!
Die Missgiburt uf säller Siile
Am **Aescheplatz** dert, isch zuem Hiile!
Mues-me-n-alles denn verhunze!
Mues-me-n-Aim, wo goht go br
Extra no e Dänkmol baue
Und der Platz dermit versaue?
6. **Welti, Labhard, Frauespittel**,
Hebamm, Wartgeld, Abfiermittel,
Das sind alles e so Sache
Wo-n-e **Backfisch** gluschtig mache!
Ais isch sicher voll und ganz:
Miecht's e Jede, wie's der Franz
Sälber gmacht het punkto wybe,
Miesst e Kaine abgotrybe!
7. Wie-ne Ratt, wo's Schiff verloot
Kurzi Zit, vor's undergoht,
So macht's bim Theater au
V. E. S., Theatersau.
Well's nitmeh z'ergattere git,
Git-er däre Sach der Tritt!
Merk-dr das, Herr Ständerot:
Däwag handelt nur e gwehnlige
[Ma!]
8. Im-ene Magischtrate-Hus
Goh't e Maiteli y und us.
'S darf dert go go z'Obo näh,
Er het als der **Dunkis** gä!
Bald wird ruchbar dä Skandal;
Doch isch machtlos s'Tribunal:
Der Pestalozzi, dä heb jo
Au Waisekinder zue sich gno!